

Aalisarnermut, Piniarnermut Nunalerinermullu Naalakkersuisoq
Medlem af Naalakkersuisoq for Fiskeri, Fangst & Landbrug
Minister of Fisheries, Hunting & Agriculture



Inatsisartunut ilaasortaq Kristian Jeremiassen, Siumut
MAANI

Tuttut pillugit Naalakkersuisunut apeqqut nr. 149-mut akissuteqaat

Inatsisartut suleriaasianni § 36, imm. 1 naapertorlugu Kullorsuup avannaani tuttu pillugit apeqquteqaateqarputit. Apeqqut Naalakkersuisoqarfinit akineqartussanngortinneqarsimavoq.

Apeqqut:

Kullorsuup avannaaniittoq nuna "Tuttulissuaq" qaqugu tuttunik pisassiiffiusalissava?

Naalakkersuisut pilersaaruteqarpat tuttunik kisitsinissamut aningaasaliissuteqaasallutik?

Kisitsisoqassappat qaqugu kisitsisoqarnissaa Naalakkersuisut pilersaarutigivaat?

Akissut:

Aallaqqaasiullugu taaneqassaaq, "Tuttulissuarmi" imaluunniit qimusseriarsuarmi allani ukiuni qulikkaani tuttunik takusoqartarsimanani, ukiuni qaninnerni "Tuttulissuarmi" tuttu siumorneqaqqissimmamata sumiiffimmi innuttaasunit. Tuttu avannaatungaani Qaanaamiit kujavartuusimasinnaapput imaluunniit kujammut peqassutsininnngaaneersuusimasinnaallutik. Aallaqqaataaniilli tuttu taakkua kisinneqarnissaat sumiiffimmi innuttaasunit soqutigineqarsimavoq, tamatuma kingorna piniagaalernissaasa akuerineqarnissaat siunertaralugu.

1)-mut

Umassusilinnut tunngassuteqartunik siunnersuisitsereernerup kingorna Naalakkersuisut tuttu pisassiinikkut piniagaanissaannut pisassiissutit aalajangersinnaavaat. Pisassiissutinik aalajangersaasoqassappat "Tuttulissuarmi" tuttu kisinneqarnissaat pisariaqarpoq. Tamannalu tunngavigalugu Pinngortitaleriffiup peqassutsimut biologiskimik siunnersuisinnaalissaaq, pisassiissutinik aalajangersaasoqarnissaa siunertaralugu.

Ad 2)-mut

Naalakkersuisut maannakkut ataani 3-mut akissut naapertorlugu "Tuttulissuarmi" tuttunik kisitsinissamut aningaasaliisoqarnissaanik pilersaaruteqanngillat. Tamanna Kullorsuup avannaani tuttu ikittuinnaanannerannut naleqqersuunneqassaaq, paasisutissaatigineqartut tunngavigalugit. Tuttunik kisitsineq akisuujuvoq, kisitsineq snescooterit imaluunniit qulimiguulik atorlugu pisarmat. Kisitsinerit nalinginnaa-

J.nr. 01.28.09
7. december 2009
Postboks 269
3900 Nuuk
Oq/tel +299 34 50 00
Fax +299 32 47 04
apnn@gh.gl
www.nanoq.gl

sumik periuseq taamungaannaq toqqartuilluni kisitsineq (stikprøve) atorlugu ingerlanneqartarpoq, tassa uumassusillit ataasiakkaat tamaasa kisinneqarneq ajorput. Kisitsereernerup kingorna peqassutsip annertussusigisinnaasaa naatsorsornissaanut kisitsisit pissarsiarineqartut naatsorsuineranut atorsinnaajumallugit, naatsorsuutigineqartarpoq uumasut naammattunik amerlassuseqarnissaat, tassa uumasut tusintilikkuaat arlallit. Maannamut sumiiffimmi nakkutilliisut Tuttulissuarmi tutnunik ikittuinnarnik takusaqarsimapput imaluunniit takussutissaqartippaat.

Paasissutissat taakkua tunngavigalugit piviusumik kisitsinissamut tunngavissaqanngilaq. Isumalluutininik sulii atuinernerussaaq, peqassutsimi uumasut ikittuunnaat tamakkiisumik kisissagaanni. Pinngortitaleriffik akissuteqarnermini peqassutsit ikittuinnarnik uumasuqarsiusut aningaasaliinerni salliuinnagit nalunaarpoq, kisianni peqassutsit anginerit salliuinneqartut.

Kisitsinissamut aningaasaliinissamut aaqqiissutaasinnaasooq tikkuarneqarpoq, suliaasaq Qaasuitsup kommunianit suliaasatut tiguneqarpat tassungalu aningaasaliissuteqarluni. Taamanikkut Uummannaq kommuniusooq siusinnerusukkut Nuussuup qeqertaasartaani tutnunik kisitsineq aningaasaliissuteqarfiginikuuvaa.

Ad 3)-mut

Ullumikkut "Tuttulissuarmi" tuttoqarfeqarpoq. Pinngortitaleriffik tusarniaavigineqarluni akissuteqarpoq taanna tuttoqarfiusoq ungasittoq, kisianni nunataa anginngitsoq. Pinngortitaleriffiup siunnersuutigaa "Tuttulissuarmi" minnerpaamik kisitsinermik taaneqartartoq tuttoqassutsip kisinneqarneranut ingerlanneqarsinnaasooq. Minnerpaamik kisitsinermik ingerlatsisinnaaneq siusinnerpaamik 2010-mi upernaakkut pisinnaavoq, Kalaallit Nunaanni Aalisarsinnaanermut Akuersissutinik Nakkutilliisoqarfik/Piniarnermut nakkutilliisut suleqatigineqarsinnaappata, piniarnermut nakkutilliisut kisitsinermi periutsinut ilinniartinneqaaqassapput. Kisianni suminganiit aningaasaliiffigineqarnissaa sulii aaqqiinneqarsimanngilaq.

Taamatut minnerpaamik kisitsisinnaanermut Upernavimmi piniarnermut nakkutilliisoq periarfissaqarpoq, Kangerlussuarmi umimmaqassutsip minnerpaamik kisitsineq periuseq atorlugu kisitsiffigineqarnissaanut januar-februar 2010-mi pisussamut ilinniartinneqarnissaaq siunertaralugu, peqataanissaanut. Umimmannik aamma tutnunik minnerpaamik kisitsinermi tunngaviit aamma periutsit assigiipput. Tamatuma kingorna "Tuttulissuarmi" tutnunik minnerpaamik kisitsisoqarsinnaaneq taamatullu Sigguup nunaani umimmannut 2010 martsimi ingerlanneqarsinnaasaaq. Kisianni oqaatigineqareersutut kisitsinissamut aningaasaliinissaaq sulii aaqqiivigineqanngilaq, Sigguup nunaani taamatullu "Tuttulissuarmi"

Inussiarnersumik Inuulluaqqusillunga

Ane Hansen

Aalisarnermut, Piniarnermut Nunalerinermullu Naalakkersuisooq